



增刪堅瓠集卷之五目錄

黟邑抑齋汪燮顯若甫輯

述懷

真西山生祠



蘇東坡贈歌者

陳眉公格言詩

除夕

一年歌

唐臯勸世歌

醒世詞

許魯齋詞

葉公傳

陶淵明歸田園居

又襍詩

贈旌表義烈江伯升

紙帳詩

乱仙咏梅

拆得空函寄僮

富兒

獨韻詞

苦熱行

唐李涉贈盜

九字梅花詩

種植日忌

又

又

戒菴漫筆

神仙粥

心相三十六

宅三十六祥

會有八不赴

會有八宜赴

時有八宜出

薄少君挽詩

小青詩

看花鳥

看梅

咏風花雪月

白香山語

呂仲實未遇詩

又及第寄內詩

五角六張

卓稼翁詞

乱仙賦詩

首尾限字體

題秦莊襄王墓二絕

題永曆故宮

絕命詩

題蘆花絮

題三元報

又三元報題辭

題文姬歸夏圖二律

三通

明皇逸詩

詠燕

張球獻詩

晁以道諷陳叔易

張莊簡書屏

蓮池雪偈

評語

四聲猿引

鷓鴣裘當酒

西鄰婦撲棗

琵琶詞

覺世

看潮詩

座右銘

章授記

咏虞美人花

上虞縣虞姬廟聯

題書樹

陳亞致仕作詩垂戒

白頭吟

草

盧玉川茶歌

十貧十富

十足

十常思

安樂法

有錢人十反

貴人十反

卻金堂四箴

瘴說

反恨賦

閨怨

戲目

又

罷宴詞

書慧日菴亭

又咏楊妃菊

又咏美人觀蓮圖

陶淵明獨酌

勸學詞

無名稅

草書歌行

香奩集

任公示兒書

明張躍川絕句

送長男之官會理

閨怨

增刪堅瓠集卷之五目錄終

增刪堅瓠集卷之五

黟邑抑齋汪燮顒若甫輯

馬孟昭晉述懷調寄滿庭芳

雪。點。疎。髯。霜。侵。衰。髻。去。年。猶。勝。今。年。一。迴。老。矣。堪。歎。又。堪。  
憐。思。昔。青。春。美。景。無。非。是。月。下。花。前。誰。知。道。金。章。紫。綬。多。  
少。事。憂。煎。侵。晨。騎。馬。出。風。初。暴。橫。雨。又。淒。然。想。山。翁。野。  
叟。正。爾。高。眠。更。有。紅。塵。赤。日。也。不。到。月。下。林。邊。如。何。好。吳。  
淞。江。上。閒。了。釣。魚。船。

真西山生祠

舉世知公不愛名。湘人苦欲置丹青。西天又出一活佛。南極添成兩壽星。幾百年方鍾間氣。八千春願祝修齡。不須更作生祠記。四海蒼生口是銘。

蘇東坡贈歌者調寄定風波

嘗羨人間琢玉郎。天教分付點酥娘。自作清歌傳皓齒。風起雪飛。炎海變清涼。萬里歸來年愈少。微笑笑時猶帶嶺梅香。試問嶺南應不好。却道此心安處是吾鄉。

陳眉公格言詩

過去事已過去了。未來不必預思量。只今只說只今話。一

枕黃梁午夢長

開元中史育上書自薦。明皇試之。育應口而賦。除夕今歲。今宵盡。明年明日來。寒隨一夜去。春逐五更迴。氣色空中改。容顏暗裏催。風光人不覺。移入後園梅。

一年歌

一年三百六十日。春夏秋冬各九十。冬寒夏熱最難當。寒則如刀熱如炙。春三秋九好溫和。天氣溫和風雨多。一年細算良辰少。況且難逢美景何。美景良辰倘遭遇。又有賞心并樂事。不燒高燭照芳樽。也是虛生在人世。古人有言

達矣哉。勸人秉燭夜遊來。春宵一刻千金價。我道千金買不回。

### 唐臯勸世歌

人生七十古來少。前除幼年後除老。中間光景沒多時。又有炎霜與煩惱。不必中秋月也明。不必清明花也好。花前月下且高歌。急須滿把金樽倒。世上錢多賺不盡。朝裡官多做不了。官大錢多心轉憂。落得自家頭白早。春夏秋冬。撚指間。鐘送黃昏鷄報曉。曉請君細點眼前人。一年一起埋荒草。草裡高低多少墳。清明一半無人掃。

### 醒世詞調寄蝶戀花

鐘送黃昏鷄報曉。昏曉相催。世事何時了。萬恨千愁人自老。春來依舊生芳草。忙處人多閒處少。閒處光陰幾箇人。知道獨上高樓雲杳杳。天涯一點青山小。

### 許魯齋詞

花謝花開時去時來。福方慰眼禍已成胎。得未足慕失未足哀。得失在天敬聽天裁。

### 葉公傳

春秋前有葉公。其子孫繁衍。別爲四族。每族昆弟。或九人。

或十一人皆輕薄如紙。有有面目者。有無面目者。大約有錢盈貫者。皆無面目者也。其一人在錢藪中。稍有面目。已爲空沒文矣。其二十人。雖亦衣冠。面目宛然大盜。而人樂親之。謂可藉以致富。染其習者。卽親如骨肉。亦互思劫奪。故人目其徒曰弔友。謂其雖獲小勝。必致大負。宜弔不宜賀也。

陶淵明歸田園居

少無適俗韻。性本愛邱山。誤落塵網中。一去三十年。羈鳥戀舊林。池魚思故淵。開荒南野際。守拙歸田園。方宅十餘畝。草屋八九間。榆柳蔭後簷。桃李羅堂前。曖曖遠人村。依依墟裡烟。犬吠深巷中。鷄鳴桑樹巔。戶庭無塵雜。虛室有餘閒。久在樊籠裡。復得反自然。

又襍詩

結廬在人境。而無車馬喧。問君何能爾。心遠地自偏。採菊東籬下。悠然見南山。山氣日夕佳。飛鳥相與還。此間有真意。欲辨已忘言。

賦贈旌表義烈江伯升

伯升名雷。黜之江村人。順治乙酉。逆奴宋乞倡亂。戕及閭



邑。臬氛漸熾。幾不可制。伯升計誘殺之。恐諸逆黨遷怒于一村。因自經于母墓之側。而使族人獻其屍。族賴以全。然乞死而逆焰亦潛消矣。今上初年。得請旌表。勅建義烈祠。春秋祀之。家東湖贈以詩曰。櫬槍掃落記戎功。冠履重新道復隆。義氣不磨懸太白。雄心如在貫長虹。遺骸一束依親墓。秩祀千年傍聖宮。狗黨狐朋殲殪後。騫霄檜栢舞清風。

名物通載紙帳詩

清懸四面剡溪霜。高臥梅花月半床。蠶兔有天春不老。瑤

臺無夜雪。生香覺來虛白。神光發睡去。清閑好夢長。一枕總無塵土氣。何妨留我白雲鄉。

乚仙咏梅限牛字韵

玉質亭亭清且幽。乚要紅梅着些顏色在枝頭。牧童睡起矇矓眼。錯認桃林欲放牛。乚題曰

拆得空函寄壻

茜色霞。淺照面頰。玉郎何事太多情。風流不是無佳句。兩字相思寫未成。

富兒

舞裙歌板逐時新。散盡黃金祗此身。寄與富兒休暴殄。儉如良藥可醫貧。

卓珂月獨韻詞調寄如夢令

娘問爲何不去。爹問爲何不去。背地問檀郎。難道今朝真去。郎去郎去打疊。離魂隨去。今日問郎來麼。明日問郎來麼。向晚問還頻。有個夢兒來麼。癡麼癡麼。好夢可知真麼。

苦熱行

祝融南來鞭火龍。火龍焰焰燒天紅。日輪當午凝不去。萬

國如在紅爐中。五岳翠乾雲彩滅。陽侯海底愁波竭。何當一夕金風發。爲我掃除天下熱。

唐李涉贈盜

風雨瀟瀟江上村。綠林豪客夜知聞。相逢不用多猜忌。世上於今半是君。

中峰和尚九字梅花詩

昨夜西風吹折千林梢。渡口小艇滾入沙灘坳。野寺古梅獨臥寒屋角。疎影橫斜暗上書牕敲。

種植日忌

瓜以辰日種。則易生而實繁。山谷詩。夏栽醉竹餘千個。春  
糞辰瓜滿萬區。

又

木生於寅。壯于丁午。長於丙。老於戊。死於甲。惡於壬癸。忌  
於乙丑。凡種五穀。以生長壯日種者多實。老惡死日種者  
收薄。忌日種者敗傷。用成收滿平定日爲佳。

又

小豆忌卯。稻麻忌辰。禾忌丙。黍忌丑。秫忌寅。小麥忌戌。大  
麥忌子。大豆忌申。九穀俱有忌日。不避者多傷敗。

### 戒菴漫筆

稻花白而瓣少者米賤。多而色黃者則貴。俗云。銀花賤。金  
花貴也。糞田宜火日。若金水日則不肥。囹圄溲亦不肥。  
氣之通塞鬱暢。不容假也。

### 神仙粥

用糯米半合。生薑五大片。河水二碗。於沙鍋內煮一二滾。  
次入帶鬚大葱白五七個。煮至米熟。再加米醋小半盞。入  
內和勻。乘熱喫粥。或只喫粥湯。卽於無風處睡。以出汗爲  
度。此以糯米補養爲君。薑葱發散爲臣。一補一散。而又以

增補醫務集卷之五  
酸醋歛之。專治感冒風寒暑濕頭疼骨痛并疫氣流行等症。屢用屢驗。

心相三十六

焚香讀書一也。有剛有柔二也。慕善近君子三也。安分知命四也。不近小人五也。委曲行陰德方便事六也。能治家七也。不厭人乞覓八也。改過九也。不逐淫貪殺十也。聞事不驚張十一也。與人期不失信十二也。不改行易操十三也。夜臥不便睡着馬上去不回頭十四也。無作好作惡十五也。不譚亂十六也。不談閨闈事十七也。作事周匝十八

也。不忘人恩十九也。有大量二十也。揚善掩惡二十一也。急難中濟人寬慰人二十二也。不助強欺弱二十三也。不忘故舊二十四也。爲事與衆用之二十五也。知人詐僞含容之二十六也。得人物每事慚愧二十七也。語有序二十八也。當人語次不先起二十九也。喜言善事三十也。不嫌惡衣食三十一也。不面訐人三十二也。省約惜福三十三也。知人饑渴勞苦三十四也。不念舊惡三十五也。常思退步結果三十六也。全者福祿令終不全福祿半之故。相形不如相心。求人相不如自相。

宅三十六祥

居家尚理義一也。子孫耕讀二也。儉勤三也。無峻宇雕墻四也。六婆不入門五也。無俊僕六也。每聞紡織七也。能睦鄰族八也。早完官稅九也。庭除洒掃十也。門外多士君子十一也。閨門嚴肅十二也。尊師重醫十三也。宴客有節無長夜之飲十四也。不延妓女至家十五也。不敢暴殄天物十六也。居喪循禮十七也。交易分明十八也。女人不登山入廟十九也。祭祀必恭必敬二十也。幼者舉動稟命於家長二十一也。故舊窮親在座二十二也。閨人謙婉二十三

也。家童無鮮衣惡習二十四也。不喜爭訟二十五也。不信禱賽二十六也。不聽婦人言二十七也。寢興以時二十八也。不聞嬉笑罵詈二十九也。婚娶不慕勢利三十也。田宅不求方圓三十一也。主人有先幾遠慮三十二也。務養元氣三十三也。座右多格言莊語三十四也。能忍三十五也。常畏清議畏法度畏陰隲三十六也。右三十六祥。全者鬼神福之。子孫保之。不然下手速修。所謂移門換向趨吉避凶之真訣也。

會有八不赴

喪家題主

請酒望答

鄉飲酒席

酒席誇張

華筵特設

不尚古風

苛責小禮

勢要在位

會有八宜赴

幽客相期

高僧相約

韻主坐邀

快友小酌

勝地相游

尊長相呼

知己患難

荷莊竹院

時有八宜出

天街月明

長林雪霽

園苑看花

遠村紅樹

郭外踏青

高僧講經

里中賽社

高峰瀑布

薄少君挽詩

百首錄六首

上帝徵賢相紫宸賦樓何足屈君身  
仙才天上原來少故取凡間道學人

鐵骨支貧意獨深有睛不屑顧黃金  
時人漫賞雕虫技没却英雄一片心

手運風斤闢混沌墨花開處剪鋒新  
文心化作青松塵拂盡凡夫筆下塵

惜福持齋器不盈清修何反促前程  
冥途業鏡如相照照出枯腸菜幾莖

掃葉烹泉新水優拜來雅貺不須酬  
自嘲殺業難除盡枯

蚌為刀截菜頭。

北邙幽恨結寒雲。千載同悲豈獨君。焉得長江俱化酒。將來澆盡古今墳。

小青焚餘

稽首慈雲大士前。莫生西土莫生天。願為一滴楊枝水。灑作人間並蒂蓮。  
願普天下有情的都成了眷屬

又看花鳥

何處雙禽集畫闌。朱朱翠翠似青鸞。如今幾箇憐文采。也向春風鬪羽翰。

又看梅

春衫血淚點輕紗。吹入林逋處士家。嶺上梅花三百樹。一時應變杜鵑花。

楊升菴咏風花雪月一字至七字詩

風。偃草飄蓬過竹院。拂蘭叢。柳堤搖綠。花徑飛紅。青缸殘  
焰滅。碧幌嫩涼通。漆園篇中。竿籟蘭臺賦裡。雌雄無影。迥  
隨仙客。馭有情。還與故人同。

花。摘錦鋪霞。邀蝶隊。聚蜂衙。珠瓔姹女。寶髻宮娃。風前香  
掩冉。月底影交加。綠水名園。幾簇青樓。大道千家。謝傅金

屏成坐笑陳朝瓊樹不須誇

雪凝明澄徹飛玉塵布瓊屑蒼雲暮同岩風曉別深山樵  
徑封遠水漁舟絕南枝忽報梅開北戶俄驚竹折萬樹有  
花春不紅九天無月夜長白

月霜凝冰潔三五圓二八缺玉作乾坤銀爲官闕如鏡復  
如鈞似環仍似玦蘭閨少婦添愁榆塞征人怨別漢家今  
夕影娥池穆穆金波歌未闕

白香山語

十畝之宅五畝之園有水一池有竹千竿勿謂土狹勿謂

地偏足以容膝足以息肩有堂有庭有橋有船有書有酒  
有歌有絃有叟在中白髮飄然識分知足外無求焉如鳥  
擇木姑務巢安如龜居坎不知海寬靈鶴怪石紫萼白蓮  
皆我所好盡在吾前時飲一盃或吟一篇妻孥熙熙鷄犬  
閒閒優哉游哉吾將終老於其間

呂仲實未遇將典衣買米妻有難色因作詩

典却青衫供早厨老妻何必更躊躇瓶中有醋堪澆菜囊  
底無錢莫買魚不敢妄爲些子事只因曾讀數行書嚴霜  
烈日皆經過次第春風到草廬



又及第寄內詩

自從上馬苦思卿。一箇窮家兩手擎。少米無柴休懊惱。大男小女好看承。恩深夫婦情何極。道合君臣義更明。早晚太平歸計遂。連杯共飲話離情。

五角六張

嬾真子錄云。開元中有人獻俳文於明皇。其略曰。說甚三皇五帝。不如來告三郎。既是千年一遇。且莫五角六張。三郎明皇也。五角六張。謂月之逢五日。遇角宿。逢六日。遇張宿。此二日。遇兩宿。作事多不成。

卓稼翁詞

三山卓田。字稼翁。能賦。馳聲。嘗作詞云。丈夫隻手把吳鉤。欲斷萬人頭。因何鐵石打成心性。卻爲花柔。君看項籍并劉季。一怒使人愁。只因撞着虞姬戚氏。豪傑都休。

有密藏一物令乩仙賦詩

袖裏深懷一葉青。也於壇上惱詩情。夜來試聽窻前雨。減却瀟瀟三兩聲。啓而視之。芭蕉也。乃大服。

首尾限字體

限雨絲風片烟波畫船以溪西鷄齊啼爲韻

雨脂紅染女兒溪。絲幌朱薨舊姓西。風剪巧裁釵作燕。片

增補野史卷之五  
三  
雲閒織錦成鷄烟銷香篆金猊冷。波動簾紋彩鳳齊。畫閣  
時攜諸女伴。船浮綠蟻聽鶯啼。

雨馬聲過柳外溪。絲幃沉醉玉東西。風簾上押垂銀蒜片。  
錦安籠鬪木鷄烟。翠銅溝紅杏發。波縈瓊蕊碧苔齊。畫眉  
的是金閨鳥。船外樓頭伴妾啼。

雨屐尋芳傍晚溪。絲旛簪髻過隣西。風姨月姊春時酒片。  
石孤花午後鷄烟薄。綃衣珠腕弱。波凌羅襪玉趺齊。畫橋  
一自劉郎別。船去天台空鳥啼。

雨脚初收瑟瑟溪。絲欄寄恨宋墻西。風塵久隔占晨鵲片。  
夢難成。惱夜鷄烟鎖。梨花魂欲斷。波搖蘋葉影初齊。欄  
十二凝眸處。船望江頭掩淚啼。

雨珠盈掬撒寒溪。絲線春暈日影西。風柳半垂藏水鴨片。  
花時落打山鷄烟。凝瑟戶熏蘭罷。波峭迴欄倚袖齊。畫出  
江南三月景。船行芳渚鷓鴣啼。

國朝康孝廉孟謀長于絕句。漁洋先生見其題秦莊襄  
王墓二絕。以爲用古甚奇。遂有一康之目。

莊襄塚並白雲齊。頰視長安萬井低。誰指韓生傳古墓。教  
人錯認灞陵西。

又

園廟衣冠此內藏。野花歲歲上陵香。邯鄲鼓瑟應如舊。羸得佳兒畢六王。

國朝金陵邵爲章題雲南五華山永曆故宫四絕

百萬雄師睥睨間。先朝一脈絕南蠻。擒人卽是人擒路。誰道天公不好還。

軍威南朔敢稱雄。轉眼興亡一瞬中。他日龍門成紀傳。君臣父子總無公。

行營歷歷草萋萋。銅柱摩崖手自題。虎豹無睛威尚在。老

軍猶說舊平西。

峇嶺天半起觚稜。不盡亭臺取次登。心力剛枯人事去。秋風誰與哭西陵。

國朝長沙朱氏女遇吳逆之亂被掠不屈衆莫敢犯舟至孤山投于江其屍逆流三晝夜浮于故居顏色如生有絕命詩十絕錄其二首

少小伶娉畫閣時。詩書曾奉母爲師。濤聲向夜悲何急。猶記燈前讀楚詞。

狂帆慘說過雙孤。掩袖潸潸淚忽枯。葬入江魚浮海去。不

留。羞。塚。在。姑。蘇。

國朝鉛山蔣士銓題蝸寄居士蘆花絮劇題詞

大孝曾傳無間言。身寒心自戀冬溫。哀哀苦語根天性。都  
是詞人血淚痕。

忍凍惟求膝下依。血誠真處有慈闈。試看骨肉同胞樂。纔  
識蘆衣是綵衣。

感極成悲也復歡。春暉頃刻換嚴寒。分明祇載夔夔訓。莫  
作尋常粉墨看。

酸風血淚感人深。冷雨幽廳不忍吟。親見紅瑜銀燭底。周

郎。多。少。爲。霑。襟。

又題三元報劇

臺閣文章宰相才。平生節義四朝推。千秋家訓歸賢母。曾  
讀瀧岡墓表來。

貞性寧因未嫁移。孤鸞雛鳳數拌奇。如何不殉鴛鴦塚。爲  
有青鬟腹內兒。

課子殘機錦續完。成名天慰此心安。傳人所恃無多物。兒  
女紛紛着眼看。

制淚聽歌托賞音。排場真假費探尋。天然組織無金粉。機

增刊皇朝集卷之五  
三  
杼當求作者心

又三元報題辭節取附錄

如秦氏者。未謀郎面。猝遭夫喪。痛妾命之如絲。嗟我心之  
匪石。縻蕪春死。已拚從一。以終風雨。魂單幾欲登山。而化  
換麻衣。而往哭也。算于歸。酌絮酒。以呼天。斯爲合。香乃年  
芳。而識卓。遂語迫。而心專。豈貪一線之生。恃有雙鬟之孕。  
婦能代子。未亡人節。孝兩全。母可兼。師遺腹。子詩書。獨繼  
鳴梭。督課蟲語。空堂泣杖。授書猿啼。子舍前功。忍棄機絲。  
斷卽難完。力學貴成。經緯補之。毋缺。從此錦繡出高堂。杼

軸。藐孤捷報。三元文章。續亡壻宗。支處子親。扶一脈。故現  
儒者而爲說法。振先生木鐸。當場喚醒大千。搦史官筆。而  
與填詞。借優孟衣冠。卽事寓言十九。此真關於風化。是宜  
播以宮商。語必出自性情。寫布帛菽粟。無非至文。意獨耐  
人咀嚼。列玄酒太羹。都成真味。

國朝蝸寄居士題文姬歸夏圖二律

關山不閉痛離鸞。自分生還故國難。偕老那期歸董紀。可  
人畢竟是曹瞞。家園重問村烟斷。裙髻初消朔雪寒。轉苦  
賢王憑塞鴈。捲蘆吹月向長安。

莫怨與平擾攘時。漢家寧得侶蛾眉。脫身幸是中郎女。遠  
夢難拋韎鞞兒。當世已同人面改。終天聊補父書遺。可知  
青塚魂應媿。到死空教斬畫師。

三通

雲間陳臥子言人而不讀三通。安得謂之通。三通者。杜佑  
通典。鄭樵通志。馬端臨通考也。通天地人曰儒。通天地而  
不通人。謂之伎。讀三通。庶幾通乎人矣。

明皇逸詩

劍閣橫空峻。鑾輿出狩回。翠屏千仞合。丹障五丁開。灌木

縈旗轉。仙雲拂馬來。乘時方在德。嗟爾勒名才。

朱訥詠燕

三月巢乾雛未成。茅堂來往日營營。說殘午夢千聲巧。剪  
破春愁兩尾輕。宮柳陰濃金鎖合。水芹香細綠波晴。畫欄  
十二無人倚。一半梨花一半鶯。

儒者張球獻詩于呂夷簡

近日厨中乏所供。孩兒啼哭飯籬空。母因低語告兒道。爹  
有新詩謁相公。

晁以道陳叔易俱隱嵩山。陳被召。晁作詩寓意。

處士何人爲作牙。盡携猿鶴上京華。故山巖壑應惆悵。六峰前只一家。

張莊簡致政歸。見風俗奢靡。益崇節儉。書于屏間。

客至留饌。儉約適情。殺隨有而設。酒隨量而傾。雖新親不擡飯。雖大賓不宰牲。匪直戒奢侈而可久。亦將免煩勞以安生。

蓮池大師穢韻雪偈

萬山無人縱腐狗。頑石高低盡遮醜。糝遍苔痕白似瓊。壓翻蒲葉青如韭。寒膏時煮竹爐茶。潔體不陪金帳酒。水晶

城外一聲柳。玉關頓地開銀紐。

評語

左傳贊不盡。亦無庸贊。顧其學問極博。才情極長。自天地人物。以及古今典故。鬼神情狀。無不綜核。自朝聘燕享。征伐會盟。無不典貴整贍。雅與事稱。卽俚俗猥褻。家人婦子。經其筆。無不點化生動。平者布帛菽粟。奇者福地洞天。濃者雲蒸霞蔚。淡者秋水寒潭。大者東岱西華。小者一邱一壑。古者翠栢蒼松。媚者琪花瑤草。典者漢鼎周彝。淺者街談巷說。乃至續紛則急管繁絃。工麗則追金琢玉。浩落則

長江大河變幻。則蜃樓海市。漸絕則峭壁懸嵯。鬆利則哀梨并剪。尖雋則春鶯巧囀。奧折則諫果回甘。超忽則驚鴻游龍。雕刻則鏤金錯彩。凡百妙境。任古今作手。得其一體。皆足名家。而左氏則兼收並蓄。又皆登峰造極也。

四聲猿引

文長之視七子。猶於越諸峰。非不幽折森秀。以較雲端廬阜。天半峨眉。尚覺瞠乎其後。至於四聲猿之作。俄而鬼判。俄而僧妓。俄而雌丈夫。俄而女文士。借彼異蹟。吐我奇氣。豪俊處。沈雄處。幽麗處。險奧處。激宕處。青蓮杜陵之古體。

耶。長吉庭筠之新聲耶。腐遷之史耶。三閭大夫之騷耶。蒙莊之南華。金僊氏之楞嚴耶。寧特與寔父漢卿輩爭雄長。爲明曲之第一。卽以爲有明絕奇文字之第一。亦無不可。

賦得相如脫鷓鴣裘當酒。爲文君撥悶。調北江兒水。試官先唱。末句柴字韻。諸生續唱。限以纜字接。末句限債字結。

試官唱

鷓鴣裘帶。忙解下鷓鴣裘帶。望杏花村裏來。提向

黃公一擲。除却茅柴。

諸生續唱

當一壺茜真珠。醲滴纜。何

事跑穿鞋。要引佳人咲。口開怕蹙損了。遠山眉黛。虧殺他。



跟着措大走。遍天涯。還消得領雉頭裘。付酒家酬債。

少陵許西鄰婦撲棗

調韵全前

試官唱

西陵窮敗。恰遇着西鄰窮敗。老嫗荆一股釵。那更  
兵荒連歲。少米無柴。諸生續况。久相依。不是纔幸籬棗熟。  
霜齋我栽的。卽你栽儘取。長竿濶袋打撲。頻來舖餐權代。  
我恨不得填漫了。普天饑債。

琵琶詞

幾回夢裡忽聞鷄唱。忙驚問錯呼舊婦。同候寢堂上。待朦  
朧覺來。依然新人鳳衾和象牀。教我怎不悲傷。俺這裡歡

娛。夜宿芙蓉帳。他那裡寂寞偏。更漏長。漫悒悒把歡娛  
翻成悶腸。菽水旣清涼。我何心貪着美酒肥羊。悶殺人花  
燭洞房。愁殺我掛名在金榜。

膝下嬌兒去。堂前老母單。臨行密密縫針線。眼巴巴望着  
關山遠。冷清清倚定門兒。盼教我如何消遣。

覺世

有有無無且耐煩。勞勞碌碌幾時閒。人心曲曲灣灣水。世  
事重重疊疊山。古古今今多變改。貧貧富富有循環。將將  
就就隨時過。苦苦甜甜命一般。

塵世紛華一筆勾。林泉深處任優游。蓋間茅屋牽蘿補。開  
個柴門對水流。得覺閒眠真可樂。喫些淡飯自忘憂。眼前  
多少英雄輩。爲甚由來不轉頭。  
成家萬事總由天。機關用盡枉徒然。人心不足蛇吞象。世  
事到頭螂捕蟬。無藥可延卿相壽。有錢難買子孫賢。得過  
一日且一日。一日清閒一日仙。

瞿宗吉看潮詩

壚頭酒美勸人嘗。紫蟹初肥綠橘香。店婦也知非俗客。奚  
奴背上有詩囊。

沙河塘上路岐賒。扶醉歸來日已斜。怪底香風來不斷。擔  
頭揮得木樨花。

顧華玉座右銘

言。行。擬。之。古。人。則。德。進。功。名。付。之。天。地。則。心。閒。報。應。念。及。  
子。孫。則。事。平。受。享。慮。及。疾。病。則。用。儉。又。曰。好。辦。以。招。尤。不。  
若。訥。默。以。怡。性。廣。交。以。延。譽。不。若。素。居。以。自。全。厚。費。以。多。  
營。不。若。省。事。以。守。儉。呈。能。以。誨。妬。不。若。韜。精。以。示。拙。

吳江葉氏瓊章授記

瓊章月府侍書女也。從泐大師授記。師曰。既願皈依。必須

審戒我一審汝會犯殺否對云會呼小玉除花風嘗遣  
輕紈壞蝶衣會犯盜否對云不知新綠誰家樹恠底清簫  
何處聲會犯淫否對云晚鏡偷窺眉曲曲春裙新繡鳥雙  
雙會妄言否對云自謂生前歡喜地詭云今坐辨才天會  
綺語否對云團香製就夫人字鏤雪裁成幼婦詞會兩舌  
否對云對月意添愁喜句拈詩評出短長謠會惡口否對  
云生怕簾開譏燕子爲憐花謝罵東風會犯貪否對云經  
管細帙成干軸辛苦鶯花滿一庭會犯嗔否對云恠他道  
蘊敲枯硯薄彼崔徽撲玉釵會犯癡否對云勉棄珠環收

漢玉戲捐粉盒葬花魂師大讚云此六朝以下温李諸公  
血竭髯枯矜詫累日者子於受戒一刻隨口而答洵仙才  
也然則子止綺語罪耳遂授記

沈飛霞咏虞美人花

粧殘幕下霸圖空顏色如花舊楚宮忍就魚腸三尺雪染  
成猩血一枝紅微香歛萼春心驪廣袖翻堦舞態工應悵  
拔山人不見托根芳草到江東

上虞縣虞姬廟聯

今尚祀虞漢世已無高后廟斯真霸越西施羞上范家船

按光武時斥呂后而以薄太后配祀。

題書櫥

楊君謙致政歸訪求異書手抄題書櫥曰吾家本市人南濠居百年自我始爲士家無一簡編辛勤一十載購求心頗專小者雖未備大者亦略全經史及子集無非前古傳一一堅紙裝辛苦手自穿當怒讀則喜當病讀則痊恃此用爲命縱橫堆滿前當時作書者非聖必大賢豈待開卷看撫弄亦欣然奈何家人愚心惟貨財先墜地不肯捨壞爛無與憐盡吾一生已死不留一篇朋友有讀者悉當相

奉捐勝過不肖子持將去鬻錢。

揚州陳亞致仕蓄書畫怪石名花甚多作詩垂戒。

滿室圖書雜典墳華亭仙客岱雲根他年若不和花賣便是吾家好子孫。

白頭吟

皚如山上雪皎若雲間月聞君有兩意故來相決絕今日斗酒會明日溝水頭躑躅御溝上溝水東西流淒淒復淒淒嫁娶不須啼願得一心人白頭不相離竹竿何嫋嫋魚尾何筵筵男兒重意氣何用錢刀爲。

草

離離原上草。一歲一枯榮。野火燒不盡。春風吹又生。遠芳  
侵古道。晴翠接荒城。又送王孫去。萋萋滿別情。

盧玉川茶歌

日高丈五睡正濃。軍將扣門驚周公。口傳諫議送書信。白  
絹斜封三道印。開緘宛見諫議面。首閱月團三百片。聞道  
新年入山裏。蟄虫驚動春風起。天子須嘗陽羨茶。百草不  
敢先開。花仁風暗結珠蓓蕾。先春抽出黃金芽。摘鮮焙芳  
先封裹。至精至好且不奢。至尊之餘合王公。何事便到山

人家。柴門反關無俗客。紗帽籠頭自煎吃。碧雲引風吹不  
斷。白花浮光凝椀面。一椀喉吻潤。二椀破孤悶。三椀瘦枯  
腸。惟有文字三千卷。四椀發輕汗。平生不平事。盡向毛孔  
散。五椀肌膚清。六椀通仙靈。七椀吃不得也。惟覺兩腋習  
習清風生。蓬萊山在何處。玉川子乘此清風欲歸去。山上  
羣仙司下土。地位清高隔風雨。安得知百萬億蒼生。命墜  
顛涯受辛苦。便從諫議問蒼生。到頭合得蘇息否。

十貧十富

一要貧。學燒銀。二要貧。買前程。三要貧。訟事興。四要貧。好

移墳五要貧。置寵人六要貧。賠女門七要貧。宅舍新八要貧。嫖賭頻九要貧。攀高親十要貧。好賽神。

一可富。孝親族。二可富。少奴僕。三可富。省追逐。四可富。効勤苦。五可富。守舊屋。六可富。長忍辱。七可富。粗衣服。八可富。養六畜。九可富。多糞土。十可富。沒名目。

十足

珍饈喫不盡。家常茶飯飽便足。錦繡穿不盡。粗布衣裳煖便足。詩書讀不盡。到處留心學便足。歲月享不盡。靜中恬養壽便足。利名貪不盡。知機涉趣意便足。聲

色戀不盡。破幻醒迷情便足。園亭起不盡。隨地則安居便足。山水遊不盡。遇景就賞樂便足。參苓餌不盡。謹慎起居醫便足。器皿置不盡。粗樸不。乏用便足。

十常思

常思興廢輪迴。禍福報應彰然。自不敢不存善念。常思祖宗艱難。世情險惡叵測。自不敢不操苦心。常思一事縱逸。竟爾毀名辱行。自不敢不慎步趨。常思無心談笑。遂致起釁招尤。自不敢不謹言語。常思卑賤不齒。愚蒙見誚之羞。自不敢不讀詩書。

常思饑寒迫身。借貸無門之苦。自不敢不節財用。  
常思身命脆薄。疾病痛楚難支。自不敢不惜精神。  
常思衣祿有限。過享終致折磨。自不敢不薄嗜慾。  
常思小忿不忍。生出無端禍患。自不敢不耐客氣。  
常思邪佞一至。送却多少身家。自不敢不遠小人。

安樂法

世界從來缺陷。全福能有幾人。但將下等比較。自然心和氣平。

有錢人十反

一文錢如性命。而自己性命反看得不值一文錢。  
寧可被光棍脫騙。賊盜打劫。若勸他用銀子。做濟人好事。  
却捨不得。

米穀寧可腐爛。至於窮苦佃戶。却不肯削讓升斗。而乞丐亦不肯施捨。

田連阡陌。至於傍有貧人坵角。定要謀求方圓。  
爲些小沒要緊的事。却用多金結訟爭占。

結交官府鄉紳。往來宴餽。雖費多金不惜。而於貧苦親友。却不肯週濟。

衣食雖堆倉箱。自己却粗糲。不肯穿吃。

日夜盤算。已到衰老疾病之時。尚不肯放鬆些。

明明家資有餘。見人一味訴窮。

貴人十反

夜當眠而飲宴。

早當起而醉臥。

心當逸而勞。

身當勞而逸。

果蔬嘗新不待熟。

食物取細失正味。

吝束修不請師教子弟。而以大錢教聲伎。

藥餌無病而服。有病不肯服。

山水不喜真境。而喜圖畫。

器用不貴金銀。而貴銅瓦。

請人要人即來。及至人請。

却不肯就去。

好工夫用在酒色應酬上。理民事。反嫌繁。

冗。

卻金堂四箴

士大夫當為子孫造福。不當為子孫求福。謹家規。崇儉朴。

訓耕讀。積陰功。此造福也。廣田宅。結姻緣。爭什一。鬻功名。

此求福也。造福者淡。而長求福者濃。而短。

士大夫當為此生惜名。不當為此生市名。敦詩書。尚氣節。

慎取與。謹威儀。此惜名也。競標榜。邀津貴。鶩矯激。習模稜。

此市名也。惜名者靜。而休市名者躁。而拙。



士大夫當爲一身用財不當爲一家傷財濟宗黨廣東修  
救饑荒助義舉此用財也靡宮苑教歌舞奢譙會聚寶玩  
此傷財也用財者損而盈傷財者滿而訕  
士大夫當爲天下養身不當爲天下惜身省嗜慾減思慮  
戒忿怒節飲食此養身也規利害避勞怨營窟宅守妻子  
此惜身也養身者嗇而大惜身者羶而細

瘴說

宋梅摯官嶺表著瘴說其畧曰仕有五瘴急催暴斂剝下  
奉上此租稅之瘴也深文以逞良惡不白此刑獄之瘴也  
晨昏酣宴弛廢王事此飲食之瘴也侵牟民利以實私儲  
此貨財之瘴也盛揀姬妾以娛聲色此帷簿之瘴也有一  
於此民怨神怒安者必疾疾者必殞雖在輦下亦不能免  
何但遠方而已仕者不知而歸於土瘴不亦謬乎

尤展成反恨賦

試登高堂金石絲簧旨酒旣設寶劍旣張僕乃揖古聖坐  
先王美人君子左右侍旁咏歌書史擊節未央有如屈原  
被放懷沙欲死楚王忽寤車騎迎止冠鈇蘭臺旌蓋江沚  
宋玉珥筆景差布紙笑鼓枻之漁翁謝申申之復姊若夫

荆卿行刺直入秦宮左手把其袖右手搃其胸咸陽喋血  
函谷銷烽呼三晉與齊楚朝天子於京東重和歌而擊筑  
快易水之寒風至如李陵降北拔劍登臺遂犁王庭凱唱  
而回入報天子賜爵行杯出史公於蠶室懸軍侯於藁街  
大將軍方斯下矣萬戶侯安足道哉若乃武侯出師秋風  
五丈星斗乍明旌旗增壯驅戎馬於鄴中橫舳艫於江上  
遂馘懿而擒權覩漢京之重創息銅鼓於茅廬臥綸巾於  
玉帳更如岳侯報國誓復中原黃龍痛飲鴨綠平吞書生  
策馬太子宵奔六陵灑掃二聖還轅誅賊臣於偃月荅后

土與皇天又如信國勤王仰天泣血奔走江淮號召吳越  
迎少主於崖山新高宗之宮闕翻混同使倒流覆上都以  
朝滅千秋萬歲衣冠文物別有夜郎僊人長沙才子宣室  
再召沉香更倚明妃返於昭陽班姬拜爲彤史宋玉之美  
得婿巫山子建之才重婚洛水莫不窈窕珮環輝煌金紫  
風雲生色花鳥有喜人生如此其可已矣噫嘻天地循環  
無往不復杲日其雨滄海爲陸苦樂相倚吉凶互伏得鹿  
豈便爲真失馬安知非福秋何氣而悲傷塗何窮而慟哭  
喚奈何於清歌觀不平於碁局當我生而多恨何暇代古

人以蹙蹙哉。

閨怨 限溪西鷄齊啼內用一二三四五六七八九

十百千萬丈尺兩雙半

十二思君隔五溪。一簾風月六橋西。萬千情緒三更夢。七  
八歸期半夜鷄。嫋嫋綠楊雙槳去。萋萋紅葉四山齊。寒衣  
九月催刀尺。百丈愁成兩淚啼。

花開三兩映雙溪。五尺樓頭綠馭西。一室孤燈聞去雁。半  
床明月聽隣鷄。八千里路夢難到。二十四帆風不齊。九變  
七絃雲萬丈。音情百縷淚交啼。

萬嶺千山百丈溪。兩心同在八蠻西。迴欄十二憐雙燕。織  
錦三千限午鷄。七月寒衣裁獨早。一身寬窄半難齊。尺書  
四五憑誰報。六九頻分但舊啼。

萬丈愁思繫遠溪。尺書四六隔東西。九回腸斷三更夢。一  
片魂驚五漏雞。七八韶光隨隙去。百千幽恨與山齊。欄杆  
十二空憑遍。半掩雙扉兩淚啼。

十丈藍橋萬尺溪。靈禽兩兩過河西。九天叫散三秋雁。一  
枕夢回五夜鷄。月到千山猶半缺。星逢七夕喜雙齊。可憐  
二八年虛度。四六吟成百舌啼。

兄杏齋擬

戲目

瑞玉妝成翡翠鈿。畫中人去奈何天。焚香喜拜鴛鴦塚。投筆愁看燕子箋。一種情深萬事足。二奇緣淺想當然。白羅衫染雙紅淚。水滸桃花笑獨眠。

紅梨花發結春園。拜月陳情祇自言。喜慶有餘惟異夢。懷香不斷憶還魂。玉簪粧盒晨開匣。金鎖幽閨晚閉門。彈罷琵琶檢書讀。翠屏山外四聲猿。

百花亭上占花魁。女狀元推女秀才。療妬羹休烹白兔。歲寒松已映紅梅。嬾收釵釧金鈿盒。閒解連環玉鏡臺。四節

何時開口笑。繡襦還帶淚痕裁。

檢點南樓百寶箱。雙珠猶在舊羅囊。君提寶劍清風寨。妾守荆釵灑雪堂。嶺外驚鴻蕉帕繫。池邊躍鯉錦箋藏。西遊塞上馬陵道。東郭邯鄲是故鄉。

又

文章用到女開科。臚唱三元四景多。碧玉串垂金印佩。珍珠衫掛瑞霓羅。九華燈燦全家慶。八頁霜寒易水歌。寄語西園折桂客。萬年歡賞在南柯。

種玉人歸四喜前。軟藍橋畔釣魚船。龍膏能續情燈影。獅

吼休驚畫舫。緣五代榮華長命。縷雙冠。誥勅永團圓。文心  
現顯英雄。槩河上盟情合鏡年。

金雀啣環義俠奇。贈書雙捷報家知。香囊擬貯珊瑚玦。玉  
合還藏琥珀匙。孔雀屏開三桂候。芙蓉影畔四賢祠。錦衣  
歸第滿床笏。吉慶圖成題塔時。

盤陀山下醉菩提。祝髮西廂憶小尼。青山濕透胭脂雪。綠  
綺裁成芍藥辭。漫把雙魚題扇贈。莫忘玉玦繡鞋期。琴心  
微逗牟尼合。人獸關分五福虧。

罷耍詞

元人有叨叨令。帶風入松詞云。罷罷耍耍。花花世界儘寬  
大。五斗米。折不得彭澤腰。一碗飯。受不得淮陰胯。種幾畝  
邵平瓜。卜幾文君平卦。快活心坎上。無牽掛。耳邊廂。沒嘈  
雜。世上人勞勞堪訝。你看那秦代長城。替別人打。漢朝陵  
寢。被偷兒扒。魏時銅雀臺。到於今。沒片瓦。哈哈。名利場。最  
堪搭。班定遠。玉門關。枉白了青絲髮。馬新息。銅柱標。抵不  
得明珠價。哈哈。更有一般堪詫。動不動說甚麼。玉堂金馬  
虛費了。文園筆。扎只恐怕渴死了。漢相如。空落下文君再  
寡。罷罷耍耍。到頭來。都是假。憑你事業伊周。文章董賈。少

不得北邙山下俺歸去也。身不關陶唐虞夏。夢不想爭王。定霸容膝的竹籬茅舍。忙手的琴棋書畫。忘機的鷗魚鳧鴨。適口的淡飯粗茶。檻外薔薇高架。庭前蘭蕙初卸。俺也不聾不啞。肯把韶光虛謝閒時節。從負郭問桑麻。遇隣翁數花甲。哈哈鐵笛兒在牛角上掛。酒瓢兒在魚竿上插。詩囊兒在驢背上跨。眼底事拋却了萬萬千千杯中物。直飲到七七八八醉中日月真無價。哈哈要罷就罷。濃睡在十里松陰下。一任黃鸝罵。

孟淑卿過慧日菴訪尼僧書其亭

矮矮墻圍小小亭。竹林深處晝冥冥。紅塵不到無餘事。一炷香消兩卷經。

又詠楊妃菊

霓裳舞罷小腰肢。低首臨風幾許思。莫恠姿容太妖冶。半緣卯酒半胭脂。

又詠美人觀蓮圖

綠槐蟬靜日徧長。懶爇金爐自和香。莫摘池中蓮子看。箇中多半是空房。

陶淵明獨酌

天若不愛酒。酒星不在天。地若不愛酒。地應無酒泉。天地既愛酒。愛酒不愧天。已聞清比聖。復道濁如賢。聖賢既已飲。何必求神仙。三杯通大道。一斗合自然。但得醉中趣。勿爲醒者傳。

餘姚謝文正公遷勸學詞

聞得入試不得意。怒髮衝冠欲成疾。餘姚雖有好良醫。相顧終朝不能治。我昔曾經害一場。傳得千金不易方。因便抄錄寄同志。倘若得効無相忘。洙泗魯論語。齊梁鄒孟子。曾參大學章。孔伋中庸理。加上本經只六味。更添子史十

七粒。龍虎石硯香麻油。休歛烟墨湖州筆。頓在明窓淨几中。煎熬晝夜莫停功。切忌陰人來相擾。不妨君子相過從。慢慢嚼細細服。過三冬。顏如玉。可以平步上青雲。可以坐享千鐘粟。遺得渣滓莫輕棄。留與兒孫再煎服。此方累試累有効。我願知音莫輕忽。

無名稅

厚地植桑麻。所用濟生民。生民理布帛。所求活一身。身外充征賦。上以奉君親。國家有兩稅。本意在憂人。厥初防其淫。明勅內外臣。稅外加一物。皆以枉法論。奈何歲月久。貪

吏得因循役我以求寵。歛索無冬春。織絹未成匹。練絲未盈斤。里胥逼我納。不許暫逡巡。歲暮天地閉。陰風生破村。夜深烟火盡。霰雪白紛紛。幼者形不蔽。老者體無溫。悲啼與寒氣。併入鼻中辛。昨日輸餘稅。因窺官庫門。繒帛如山積。絲絮似雲屯。號爲羨餘物。隨日獻至尊。奪我身上暖。買爾眼前恩。進入瓊林庫。歲久化爲塵。

### 草書歌行

少年上人號懷素。草書天下稱獨步。墨池飛出北溟魚。筆鋒殺盡山中兔。八月九月天氣涼。酒徒詞客滿高堂。牋麻

素娟排數箱。宣州石硯墨色光。吾師醉後倚繩床。須臾掃盡數千張。飄風驟雨驚颯颯。落花飛雪何茫茫。起來向壁不停手。一行數字大如斗。恍恍如聞神鬼驚。時時只見龍蛇走。左盤右蹙如飛電。狀同楚漢相攻戰。湖南七郡凡幾家。家家屏障書題徧。王逸少。張伯英。古來幾許浪得名。張顛老死不足數。我師此義不師古。古來萬事貴天生。何必要公孫大娘渾脫舞。

### 香奩集

詩有銷魂者三。香奩集其一也。夫銷魂者。卽壞心田之謂。



增册皇朝集卷之五  
也。其曰打疊紅箋書恨字。與奴方便寄卿卿。詩媒詞逗也。其曰。但得暫從人繾綣。何妨長任月朦朧。踰牆鑽穴也。其曰。最是斷腸禁不得。殘燈影裡夢初回。旦氣枯亡也。其曰。欲把禪心消此病。破除纔盡又重生。淫惡不悛也。閱之必增益。淫邪之念。故當以綺語爲戒。

任公示兒書

潞安任復菴環以同知禦倭。晝夜力戰。徧身書姓名。曰。死綏職也。爲二親記。此髮膚嘗見其示兒書云。兒輩莫愁。人生自有定數。惡滋味。嘗些也。有受用。苦海中未必不是極。

樂國也。讀書孝親無遺。父母之憂。便是常常聚首矣。何必一堂我兒。千言萬語。絮絮叨叨。只是教我回衙。何風雲氣。少兒女情多。倭賊流毒。多少百姓。不得安家。爾老子領兵。不能誅討。齧羶裹革。此其時也。安能作楚囚。對爾等相泣。闐闐間耶。此後人事。不知如何。幸而承平。父子享太平之樂。期做好人。不幸而有意外之變。只有臣死。忠妻死。節子死。孝咬定牙關。大家成就一個是而已。汝母可以此言告之。不必多言。

明張躍川絕句

地冊三卷集卷之五  
三  
低低壁落。嗟嗟柱。小小廳堂。窄窄門。廣厦廣庭。非不愛。欲留約束。與兒孫。

老去不嫌粗米飯。饑來常吃菜餛飩。好飯好羹。非不愛。欲留淡泊。與兒孫。

來音去信。常關念。嫁女婚男。不出村。遠眷遠親。非不愛。欲留近便。與兒孫。

鑿開石竇。通泉脉。挿種梅花。入瓦盆。深紫深紅。非不愛。欲留清白。與兒孫。

送長男思昱之官會理

治裝送爾去。之官民社身。膺負荷難好。把循良消息。寄莫徒錦字。報平安。

其二

蜀道崔巍似上天。爲憐驅策度關山。登臨不用多瞻望。夢逐車塵馬跡間。

其三

趨庭聞訓自髫年。巴蜀睽違路數千。提命雖遙典籍在。暇中勤讀霍光篇。

其四

設官本屬爲斯民。不是恩光寵一身。仰體聖明推選意。陽和沛作十分春。

曩時子有閨怨八絕錄四絕

芳草斜陽外。凝眸見古津。迢迢舟上客。都是覓歸人。  
今夜嬋娟好。郎從異地看。悠悠明影裏。同倚玉闌干。  
玉漏滴空閨。窗前人一個。夢魂生怕孤。對影挑燈坐。  
微風戶外吹。細雨階前落。樓鼓近三更。燈殘人寂寞。

增刪堅瓠集卷之五終

增刪堅瓠集卷之六目錄

黟邑抑齋汪燮顯若甫輯

格軒村居雜詠

何鞏道贈友

又秋吟

又贈老人

又晝坐

河東君

春日呈牧齋

和牧齋出遊詩

翁照示子

西湖雜句

又西湖嬉春詞

又題岳王廟

夏日泛舟

東里奇句

俞將軍引

金陵懷古

圓圓曲

脫換法

家國同慨

越僧索畫

邵二泉乞終養

王阮亭分甘餘話摘錄

諷友別娶

杜璠送陳信

題枇杷小鳥圖

貧女題畫

三聲

郭希聲聞蛩

釋冤獄

題紅鳳仙花染指甲

唐伯虎妬花詩

王氏女自悼詩

題奕棋圖

張果老倒騎驢圖

衛生歌

唐六如夢草圖

劉武城調張無擇

王貴學別子

奕碁度日

磨鏡帖

題博浪沙

朱允升

張浣心田家四時

春風世情

蠶有六德

大算數

咏腐乾

又咏腐查

染鬚

詩呈王寇

傷田家

霍洞獻詩

有感

和神國

洞庭春怨

諷沈萬三

多少箴

通鑑書法可摘

掠刷使

八音詩

浪陶沙寄情

凌彥翀壽楊復初

白樂天

咏白魚

邵康節

咏雁來紅

又

春情

曉行

益語

楊州

趙夫人

熨斗詩

袁處士詩譏侂冑

雪菴和尚

寒山寺

乚仙咏櫓

邵康節

草木子弔伯顏

乚贈密蘭沙

身心俱閒

措置失宜

貧家婢

討中山狼露布

討蜘蛛檄

鐵椎銘

病有十可卻

明太祖瀟湘賦詩

題養白鴿

神女贈詩

盜發穢塚

煮粥

米元章

反止酒

罪酒

五仄詩

贈謝疊山

徐貞一絕句

四皓奕棋圖

管寧濯足圖

黟縣誌失收

吳忠節公格言

于忠肅公憫農採桑

驛卒女

治腋氣方

雲亭山人秣陵秋

題史閣部

自題學圃

增刪堅瓠集卷之六目錄終

增刪堅瓠集卷之六

黔邑抑齋汪燮顒若甫輯

格軒村居雜詠

小築聊成隱。衡門繞徑斜。每多驚枕鳥。不斷映窓花。秋月橫漁艇。春風響緯車。苦吟時有得。把酒玩年華。

震澤東廻渚。鱸魚是舊鄉。池菰鮮入饌。畦韭剪春香。綠樹遮低屋。青苔繡短牆。更多堪畫處。漁網掛斜陽。

綠滿平蕪處。輕風媚柳條。蝶衣原自舞。燕語故相招。竹裏斜通徑。門前半枕橋。喧塵終不染。隔市亦非遙。

增補皇朝詩集卷之八  
地僻人來罕。機忘鳥自羣。魚苗能種水。雁字得書雲。香靜  
憑風度。琴幽帶月聞。溪邊帆影出。一望已紛紛。

國朝何鞏道贈友

買得寒雲一片山。朝簪抽罷住人間。憂時亦爲偏安出。避  
世誰能未老閒。雨凍園基歛。半夜竹深孤鶴歛。重關舊游  
記得西湖月。滿匣詩題不忍刪。

又秋吟

隔竹西風送暮蟬。蕭蕭疎雨意茫然。數莖白髮添詩債。七  
尺青簾掛酒錢。地靜野鷗長占水。日斜村樹自生烟。交游

十載凋零盡。尚有遺民似葛天。

又贈老人

望見雙瞳碧幾層。冬殘留得滿鬚冰。一家金鎖皆持鑰。十  
畝嘉禾半飯僧。日午看碁眠社樹。夜深扶婢點河燈。洞中  
知有能騎鶴。不敢投君七尺簾。

又晝坐

晝坐高齋新放晴。當門山色背南城。花飛苔徑日千點。蠅  
打紙窓時一聲。夜後客懷多寂寞。夢中人事最分明。十年  
買酒醒還醉。醒學靈均醉步兵。



河東君

河東君名如是。字蘼蕪。虞山錢牧齋宗伯之繼室。柳其寓姓也。年二十餘。丰姿逸麗。性猥慧。工於詩。善書法。時宗伯齒暮髮白。柳暮其才而委身焉。宗伯建樓以居之。廣構異書。輿致其上。供其吟披。扁曰絳樓。稱之曰柳儒士云。初宗伯與族人不睦。宗伯死。羣起攻之。柳出裝貲千金以賂焉。詰朝族人喧集如故。嗣君懼不敢出。柳念無厭之求。不盡不止。乃密名宗伯懿親。及門人素厚者。復糾紀綱之僕數輩。部畫已定。柳出廳事。婉以致辭。訂期分給。至期以計闔。

族人於堂而已。則投環畢命焉。於是盡擒羣兇。置之法。而錢氏之家以保。此吳江紐琇王樵吳觚所述。鄧漢儀孝威詩觀曰。河東君放誕風流。不可繩以常格。然乙酉之變。勸宗伯以死。及奮身自沉池水中。此爲巾幗知大義處。宗伯薨。自經以殉。其結局更善。據此與吳觚所述互異。不知孰是。是故兩存之。兼錄其近體二首。

春日我聞室作呈牧齋

裁紅暈碧淚。漫漫南國春來已薄寒。此去柳花如夢裏。向來烟月是愁端。畫堂消息何人曉。翠幙容顏獨自看。珍重。

君家蘭桂室。東風取次一憑闌。

和牧齋中秋日携內出遊詩

秋水春衫澹暮愁。船窓笑語近紅樓。多情落日依蘭櫂。無  
藉輕雲傍彩舟。月幌歌蘭尋麈尾。風床書亂覓搔頭。五湖  
烟水長如此。願逐鴟夷泛急流。

翁照徽州人。住無錫。子翁晟。任江山令。遣役道迎。却  
之作此詩以示。

鬢毛班盡始東歸。彩服歡迎老布衣。須水一泓堪共飲。由  
來吾道厭輕肥。

沈歸愚西湖雜句

六橋楊柳照輕烟。細雨絲絲泛畫船。乍識淡粧西子面。亂  
頭麗服更天然。

意行初過望湖亭。教伎樓邊步暫停。禪榻鬢絲空學道。閒  
情猶問舊西泠。

晚風颯颯林端生。雷峰塔前夕照明。南屏鐘動鳥飛絕。人  
在亂山缺處行。

數聲柔艣掠波還。暮色蒼然滿四山。勘破西湖塵土夢。夜  
涼月白話禪關。

又西湖嬉春詞六首錄四

十里長堤徧種花。花間搖颺酒帘斜。大蘓風流人不識。偏問西泠蘓小家。

隄邊女兒試春衣。三三五五映芳菲。錢王遺事人能說。猶唱花開緩緩歸。

葛鴨舊爲師相宅。半閒堂外斷人行。蟋蟀鬪餘軍務了。不應更說救樊城。

鳳凰山頭日欲曛。銅駝石馬臥寒雲。曾下初明眼中淚。錢家宮殿趙家墳。

又題岳王廟

報國忘軀矢血誠。誰教萬里壞長城。十年憤積龍沙遠。一死身嫌泰岱輕。自願藏弓維弱主。何來叩馬有書生。於今墓畔南枝樹。猶見忠魂怒未平。

錢香樹夏日泛舟湖心六絕句錄二

安知客也非蘓白。自笑吾耶亦水雲。縱復明朝京洛去。青衫猶欲帶餘芬。

晚涼暑氣欲全消。又聽笙歌下六橋。未許篙師促歸去。有荷花處且停橈。

東里奇句

吳東里先生名宗潛。崇禎末。以諸生負重名。隱于醫。有中  
秋家讌詩云。大烹豆腐瓜茄菜。高會荆妻兒女孫。極爲奇  
創。

明俞指揮良輔。南征入粵。誅諸寨之未附者。潮陽郭  
氏貞順。從其夫周伯玉。依溪頭寨。俞兵將臨。貞順手  
製長歌。題爲俞將軍引投獻麾下。俞覽詩大喜。歛兵  
而回。一寨得全。

將軍開國之勲臣。蚤附鳳翼攀龍鱗。烟雲慘淡蔽九野。半

夜捧出扶桑輪。前年領兵下南粵。眼底羣雄盡流血。馬蹄  
帶得淮河水。灑向江南作晴雪。潮陽僻在南海濱。十載不  
斷干戈塵。客星移處萬里外。天子亦念遐方民。將軍高名  
邁千古。五千健兒猛如虎。輕裘緩轡踏地來。不減襄陽晉  
羊祜。此時特奉明主恩。金印斗大龜龍紋。大開藩衛制方  
面。期以忠義酬高旻。宣威布德民大悅。把菜一笠誰敢奪。  
黃犢春耕萬隴雲。鰲龍夜臥千溪月。去歲壺陽戍。守時下  
車愛民如愛兒。壺山蒼蒼壺水碧。父老至今歌咏之。欲爲  
將軍紀勲績。天家自有麒麟筆。願屬壺民頌。太平摩崖勒。

盡韓山石

秀水布衣王价人有金陵懷古十首錄一

水滿秦淮長綠蘋。千秋王謝已灰塵。春風燕子家家入。無復當時舊主人。

吳梅村偉業圓圓曲

按圓圓本姓邢其養姥陳故又從陳姓吳門名妓也。初以外戚周嘉定伯購選入宮隨遣出復入周邸當延陵奉詔出鎮山海嘉定餞之甲第圓圓在侑觴之列一見屬意嘉定卽以相許既聘而未娶也闖賊陷

京師遂籍入延陵乞師本朝攻走闖賊駐師絳州部將於都城搜得之飛騎傳送延陵迎歸備極寵遇及進爵封王將正妃位宛轉堅辭乃別娶中閫而後婦悍如絕倫羣姬之艷而進幸者輒殺之惟圓圓能順適其意府中皆稱邢太太居久之延陵潛蓄異謀邢窺其微以齒暮請爲女道士延陵旣沒滇南已平邢卒自保由是觀之遇亂能全捐榮不御皈心淨域晚節克終使延陵遇於九原其負媿何如矣

鼎湖當日棄人間。破敵收京下玉關。慟哭六軍皆縞素。衝

冠一怒爲紅顏。紅顏流落非吾念。逆賊天亡自荒晏。電掃  
黃巾定黑山。哭罷君親再相見。相見初經田竇家。侯門歌  
舞出如花。許將戚里筵篋伎。等取將軍油壁車。家本姑蘇  
浣花里。圓圓小字嬌羅綺。夢向夫差苑裏遊。宮娥擁入君  
王起。前身合是採蓮人。門前一片橫塘水。橫塘雙漿去如  
飛。何處豪家強載歸。此際豈知非薄命。此時只有淚沾衣。  
薰天意氣連宮掖。明眸皓齒無人惜。奪歸永巷閉良家。教  
就新聲傾坐客。坐客飛觴紅日暮。一曲哀絃向誰訴。白晳  
通侯最少年。揀取花枝屢回顧。早携嬌鳥出樊籠。待得銀

河幾時渡。恨殺軍書抵死催。苦留後約將人誤。相約恩深  
相見難。一朝蟻賊滿長安。可憐思婦樓頭柳。認作天邊粉  
絮看。遍索綠珠圍內第。獨呼絳雪出雕闌。若非壯士全師  
勝。爭得蛾眉匹馬還。蛾眉馬上傳呼進。雲鬟不整驚魂定。  
燭炬迎來在戰場。啼粧滿面殘紅印。專征蕭鼓向秦川。金  
牛道上車千乘。斜谷雲深起畫樓。散關月落開粧鏡。傳來  
消息滿江鄉。烏桕紅經十度霜。教曲伎師憐尚在。浣紗女  
伴憶同行。舊巢共是啣泥燕。飛上枝頭變鳳凰。長向尊前  
悲老大。有人夫婿擅侯王。當時祇受聲名累。貴戚名豪競

延致一斛明珠萬斛愁。關山漂泊腰肢細。錯怨狂風颺落  
花。無邊春色來天地。嘗聞傾國與傾城。翻使周郎受重名。  
妻子豈應關大計。英雄無奈是多情。全家白骨成灰土。一  
代紅粧照汗青。君不見。館娃初起。鴛鴦宿。越女如花。看不  
足。香逕塵生鳥自啼。麝廊人去。苔空綠。換羽移宮萬里愁。  
珠歌翠舞古梁州。爲君別唱吳宮曲。漢水東南日夜流。

脫換法

寄愁天上埋憂地。下本仲長統語。而陳臥子秋懷則曰。不  
信有天常自醉。最憐無地可埋憂。一經脫換。便成佳句。

家國同慨

元僧雪菴題萬歲峯詩云。一治曾教役萬民。一峯曾使九  
州貧。江山假設方成就。真箇江山已屬人。近有縉紳見其  
子。日事營造。口占云。塊塊黃山石。錠錠雪花銀。老夫歸天  
後。依舊與他人。家國之理。雖殊而無德以居之。轉瞬易主。  
同一可慨。

越僧某索畫于石田。寄一絕。石田欣然。畫其詩意。答  
之。

寄將一幅剡溪簾。江面青山畫幾層。筆到斷崖泉落處。石

邊添箇看雲僧

明大司徒邵二泉乞終養不允

乞歸未允。奈親何。帝里風光。夢裏過。三月春寒。青草短。五湖天遠。白雲多。客囊衣在縫。猶密驛路書來字。欲磨聖主恩深臣分淺。百年心事兩蹉跎。

王阮亭分甘餘話摘錄

律詩貴工於發端。承接二句尤貴得勢。若懶殘履衡岳之石。旋轉而下。此非有旁若無人之氣者不能也。如萬壑樹叅天。千山響杜鵑。下卽云山中一夜雨。樹杪百重泉。昔聞

洞庭水。今上岳陽樓。下云吳楚東南坼。乾坤日夜浮。古戍落黃葉。浩然離故關。下云高風漢陽渡。初日郢門山。錦瑟怨遙夜。遶絃風雨哀。下云孤燈聞楚角。殘月下章臺。此皆轉石萬人手也。

王孟端諷友客京師別娶婦

新花枝勝舊花枝。從此無心念別離。可信秦淮今夜月。有人相對數歸期。其人得詩感泣。遂歸。

陳信字履信。杭州人。任蘓州通判。年老致仕。富民以重贖追送。却不取。而其家實貧。郡人杜瑀以詩送之。



長辭榮祿賦歸田。又却蕪民餽贖錢。一任此生貧到骨。只留清節與人傳。

陳漢昭題枇杷小鳥圖

盧橘垂黃雨滿枝。山禽飽啄已多時。那知歲晏空林裏。竹實蕭疎鳳亦饑。怨刺之意見于言外。

貧女題畫

貧閨風透壁全無。吹得詩腸別樣枯。呵凍自傳蓬戶影也。堪補入鄭公圖。

三聲

陸象山嘗謂人家要有三聲。讀書聲。孩兒聲。紡織聲。蓋聞讀書聲。覺聖賢在他口中。在我耳中。不覺神融。聞孩兒聲。或泣或笑。自然籟動。天鳴。覺後來哀樂情致。較此殊遠。聞紡織聲。則勤儉生涯。一室兒女。覺有豳風七月景象。最可厭者。婦人詈罵聲也。惡也。飲酒喧呶聲也。狂也。街巷笑談聲也。譎也。妖冶歌唱聲也。淫也。與其聞此。不若聆犬聲於夜靜。聽鷄聲於晨鳴。令人有清曠之思。

郭希聲聞蛩

愁殺離家未達人。一聲聲到枕邊聞。苦吟莫向朱門裏。滿

耳。笙。歌。不。聽。君。

陸五臺光祖釋冤獄

濬邑有富民。枉坐重辟。數十年相沿。以其富。不敢爲之白。平湖陸公爲濬令。至訪實。卽日破械出之。然後聞於臺使。使者曰。此人富有聲。陸曰。但當問其枉不枉。不當問其富不富。果不枉。夷齊無生理。果枉。陶朱無死法。臺使者甚器之。

名物通題紅鳳仙花染指甲

金鳳花開血色殷。佳人染得指尖丹。彈箏亂落桃花片。把

酒輕浮玳瑁斑。拂鏡火星流。夜月畫眉紅。雨過春山幾回漫。托香腮。想疑是胭脂點玉顏。

唐伯虎如花詩

昨夜海棠初着雨。數朶輕盈嬌欲語。佳人曉起出蘭房。摘來對鏡比紅粧。問郎花好奴顏好。郎道不如花窈窕。佳人見語發嬌嗔。不信死花勝活人。將花揉碎擲郎前。請郎今夜伴花眠。

王氏女自悼詩

白藕作花風已秋。不堪殘夢更回頭。晚雲帶雨歸飛急。去

作西窓一夜愁。

瞿存齋題奕棋圖

三人當局各藏機。思入幽玄下子遲。畢竟是誰高一着。風簷日影靜中移。

蜀中耆儒題張果老倒騎驢圖

世間多少人。誰似這老漢。不是倒騎驢。凡事回頭看。

真西山先生衛生歌

天地之間人爲貴。頭象天。今足象地。父母遺體宜保之。箕疇五福壽爲最。衛生切要知三戒。大怒大慾并大醉。三者

若還有一焉。須防損失。真元氣欲求長生。先戒性火不出。今神自定。木還去。火不成。灰人能戒性。還延命。貪慾無窮。忘却精。用心不已。走元神。勞形散。盡中和氣。更仗何能保。此身。心若太費費。則竭。形若太勞勞。則歇。神若太傷傷。則虛。氣若太損損。則絕。世人欲識衛生道。喜樂有常。嗔怒少。心誠意正。思慮除。順理修身。去煩惱。春嘘明目。夏呵心。秋咽冬吹。肺腎寧。四季長吁。脾化食。三焦噓却熱。難停髮宜多。梳氣宜鍊。齒宜數叩。津宜嚥。子欲不死。修崑崙。雙手揩摩常在面。春月少酸。宜食甘。冬月宜苦。不宜鹹。夏要增辛。

聊減苦。秋辛可省。但加酸。季月少鹹。甘畧戒。自然五臟保平安。若能全減。身康健。滋味偏多。無病難。春夏莫放綿衣薄。夏月汗多。須換着。冬秋衣冷。漸加添。莫待病生。纔服藥。惟有夏月難調理。內有伏陰。忌冰水。瓜桃生冷。宜少餐。免至秋來成瘧痢。心旺腎衰。切宜記。君子之人。守齋戒。常令充實。勿空虛。日食須當去油膩。太飽傷神。饑傷胃。太渴傷血。多傷氣。饑餐渴飲。莫太過。免致膨脹。損心肺。醉後強飲。飽強食。未有此身。不生疾。人資飲食。以養身。去其甚者。將安適。食後徐行百步多。手摩臍腹。食消磨。夜半靈根。灌清。

水。丹田濁氣。切須呵。飲酒可以陶情性。太飲過多。防有病。肺爲華蓋。倘受傷。咳嗽勞神。能損命。慎勿將鹽去。點茶分。明引賊入人家。下焦虛冷。令人瘦。傷腎傷脾。防病加。坐臥切防風入腦。腦內入風。人不壽。更兼醉飽。臥風中。風纔一入。成災咎。雁有序。今大有義。黑鯉朝北。知臣禮。人無禮義。反食之。天地神明。俱不喜。養體須當節五辛。五辛不節。反勞神。莫教引動。虛陽發。精竭榮枯。疾病縈。不問在家。并在外。若遇迅雷風雨。至急。須端肅。敬天威。靜室收心。須少避。恩愛牽纏。不自由。利名縈絆。幾時休。放寬些。子自家福。免。

致中年早白頭。頂天立地非容易。飽食煖衣寧不愧。思量無以報洪恩。晨夕焚香謝天地。長生不老是。如何胸次平夷積善多。惜氣惜身還惜命。請君熟玩衛生歌。

唐六如夢草圖

池塘春漲碧溶溶。醉臥沙塵淺草中。一夢熟時鷗作伴。錦衾何必抱輕紅。

張無擇貧士也。所得館穀悉以置書。每爲室人之謫。劉武城戲成如夢令二闋。互爲答問調之。

縱使汗牛充棟。不迭黃齏一甕。笑你腹便便。幾見把窮愁。掇送無用無用。風緊敗窓支吼。萬卷百城相亞。滋味渾如食蔗。急切不逢時。時至黃金無價。休罵休罵。濁酒沒他難下。

元王貴學謫成關西別子于南京

石頭城西笛嗚咽。他鄉父子生離別。淚珠滴滿琅玕痕。夢枕平分海天月。爾祖生我我生伊。立身立志家欲齊。患難相仍二十載。家危不絕如線微。爾今獨歸心亦苦。歸見爾妻拜爾母。弟妹倉皇立兩旁。含淚還先問爾父。爾父爾父可奈何。萬里一身行負戈。朔風吹浪捲作雲。飛霜墜地如

雪多雪深一尺秦川道關西之山極天表生來從役當復歸死即埋沒隨百草免勿致憂我何愁丈夫四海當遨遊常念行人遠行役天寒須寄烏貂裘烏貂裘兮久已敝補綴成衣須爾妹遙憐寒衣小窓中一線一針一行淚

奕碁度日

凡人無所事事便思着碁偶然則可久戀則不可郭登詠奕碁云怕死貪生錯認真運籌多少費精神看來揔是爭閒氣笑殺旁觀袖手人失勢休嗟得勢歌當場變態幾爭多旁觀半日頭先白莫怪深山易爛柯人生要緊之事甚多而以此虛度光陰大為可歎

潘默成磨鏡帖

僕自喻昏鏡喻書為磨鏡藥當用此藥揩磨塵垢使通明瑩徹而後已倘積藥鏡上而不施揩磨之功反為鏡之累故知托儒為奸者曾不若愚夫愚婦也

台州陳剛中題博浪沙

一擊車中胆氣高祖龍社稷已驚搖如何十二金人外猶有民間鐵未銷

朱允升

朱升字允升。生休寧。徙居歙之石門。明兵下徽。卽被名見顧問。升對曰。高築墻。廣積糧。緩稱王。明太祖大悅。遂預帷幄。密議。子大同。

張浣心田家四時

茅簷櫛比十餘家。男出耕兮女績麻。新柳沿溪映門戶。春深籬落放桃花。

田夫併力急耕芸。田婦當家送餉勤。禾黍油油初渴水。隴頭常望海東雲。

村家半吐籬邊菊。已報東臯穉稔黃。男女腰鎌向田去。秋

風吹送稻登場。

農夫凌寒忙種麥。風冷雲昏歸舍急。牀頭新釀斟一壺。門外雪飛村巷白。

唐羅鄴春風世情

芳草含烟暖更青。閉門要路一時生。年年檢點人間事。惟有春風不世情。王丹麓詩云。聞說長安花滿城。看花但覺馬蹄輕。多愁不爲子吹去。堪笑春風亦世情。又九日陰雨。詩云。薄寒細雨怯登臨。羞對黃花白髮侵。漫說人情多反覆。重陽也自變重陰。

蠶有六德

楊廉夫嘗論蠶有六德。衣被天下生靈。仁也。食其食。死其死。以荅主恩。義也。身不辭湯火之厄。忠也。必三眠三起而熟。信也。象物以成蠶。色必尚黃素。智也。蠶而蛹。蛹而蛾。蛾而卵。卵而復蠶。神也。此六德也。

大筭數

有日者謁王直卿云。善筭星數。知人禍福。直卿曰。吾有箇大筭數。書曰。惠迪吉。從逆凶。作善降之百祥。作不善降之百殃。大學曰。言悖而出者。亦悖而入。貨悖而入者。亦悖而出。此箇數。亘古今不差。豈不優於子筭數乎。

尤自芳蒞咏腐乾

世間宜假復宜真。幻質分明身外身。纔脫布衣圭角露。亦供俎豆進佳賓。

又咏腐查

一從五穀著聲名。歷盡千磨涕泗傾。形毀質消俱不顧。竭殘精力爲蒼生。

染鬚

劉禹錫詩。近來年少輕前輩。好染髭鬚作後生。或嘲之曰。



自是劉郎愛春色。非關前爲少年輕。明陸文量寓京時。客  
有授烏鬚方者。文量口占一詩。荅之曰。染將紛白媚。嬌紅  
祇畏癡心笑。老翁五色任生當。順受二毛。何況世人同。

魏野詩呈王寇

魏野寄王旦詩云。聖朝宰相年年出。君在中書十二秋。西  
祀東封俱已了。好來相伴赤松遊。旦袖此詩求退。寇準被  
名野亦以詩送之云。好去上天辭富貴。却來平地作神仙。  
準得詩不悅。後貶雷州。題詩于窓。朝夕吟哦。

聶夷中傷田家詩

二月賣新絲。五月糶新穀。醫得眼前瘡。剗却心頭肉。我願  
君王心。化作光明燭。不照綺羅筵。徧照逃亡屋。

霍洞出使宿田舍。見壁上詩。錄獻于上。曰。臣採風所  
陳也。上爲惻然。

北風吹晴滿屋霜。翁兒赤體悲無裳。機中幼婦饑欲泣。忍  
饑取蔴燈下績。一身勿暇私自憐。鳴機軋軋明窓前。織成  
五丈如霜布。翁要作裙兒作襖。明朝官中催糧急。依然赤  
體當風立。

有感

增刊皇朝集卷之六  
柳底花陰壓路塵。一回遊賞一回新。不知買盡長安笑。活得蒼生幾戶貧。

和神國

地產大瓠。瓠中盛水。穀不種而寔。水泉如美酒。飲多致醉。氣候常如深春。樹葉皆綵絲。可爲衣。真仙境也。可謂不耕而食。不織而衣。不釀而飲者。人從此國中來。切莫語。懶人。悞他饑寒大事。

吳耳淵洞庭春怨

征人別我去。荆都爲道春。來便返吳。昨見陌頭桃已發。不

知春亦到荆。無

沈萬三弟諷其兄萬三

錦衣玉食非爲福。檀板金樽可罷休。何似子孫長久計。瓦盆盛酒木棉裘。

多少箴

多少箴。甚有理致。不知何人所作。其詞曰。少飲酒。多啜粥。多茹菜。少食肉。少開口。多閉目。多梳頭。少洗浴。少羣居。多獨宿。多收書。少積玉。少取名。多忍辱。多行善。少干祿。便宜。勿再往好事。不如無。

通鑑書法可摘

忠武侯討魏。通鑑以寇書。千古公憤。故元人楊奐詩曰。欲起溫公問書法。武侯入寇寇誰家。王阮亭讀至後唐莊宗欲討僞梁。亦以謀入寇書。不禁髮指。亦題一詩曰。一代清流盡喪亡。紇干山雀可憐傷。溫公書法憑誰問。又說河東欲寇梁。

掠刷使

幽怪錄云。韋元方外兄裴璞卒。長慶初。元方見一武吏躍馬而來。乃璞也。謂元方曰。吾爲隴右三州掠刷使。生人一

飲一酌。無非前定。况財寶陰司所藉。其獲有限。過數則陰吏來掠之。子之逢吾。亦是前定。合得白金二觔。過此則當掠。故不敢厚也。

元隱士林清八音詩

金紫何曾一掛懷。石田茅屋自天開。絲竿釣月江頭住。竹杖挑雲嶺上來。匏實曉收栽學圃。土花春長讀書臺。草除一點浮雲慮。木筆題詩酒數杯。

有女少與表兄同學。有文字之好。兄欲締姻。父母以其未達。遂適武弁。統兵陝右。而表兄隨登第。亦官于

此相與邂逅。兄鞭馬不顧。女因賦浪陶沙以寄情。  
目送楚雲空。前事無踪。漫留遺恨鎖眉峯。自是荷花開較  
晚。辜負東風。客館歎飄蓬。聚散匆匆。揚鞭那忍驟花驄。  
望斷斜陽人。不見滿袖啼紅。

楊復初築室南山。凌彥翀以詞壽之。調寄漁家傲。

採芝步入南山道。山深宛似蓬萊島。聞說村居詩意好。還  
被惱。蒼苔滿地無人掃。載酒亭前松合抱。客來便許同  
傾倒。玉兔已將靈藥搗。秋意早。月華長似人難老。

白樂天

試問池臺主。多爲將相官。終身不會到。惟展畫圖看。

袁凱咏白燕

故國飄零事已非。舊時王謝見應稀。月明漢水初無影。雪  
滿梁園尚未歸。柳絮池塘香入夢。梨花庭院冷侵衣。趙家  
姐妹多相妒。莫向昭陽殿裏飛。

邵康節

老年軀體索溫存。安樂窩中別有春。萬事去心閒偃仰。四  
肢由我在舒伸。庭花盛處涼鋪簟。簷雪飛時軟布裯。誰道  
山翁拙于用。也能康濟自家身。

無錫周子羽咏雁來紅

翔雁南來塞草秋。未霜紅葉已先愁。綠珠晏罷歸金谷。七尺珊瑚夜不收。

又無名氏

漢史傳書託便鴻。上林一箭墮西風。至今血染堦前草。一度秋來一度紅。

徐甜齋春情調寄折桂令

平生不會相思。纔會相思。便害相思。身似浮雲。心如飛絮。氣若遊絲。空一縷餘香在此。盼千金遊子。何之。証候來時。

正是何時燈未昏。時月半明時。

唐温飛卿曉行

晨起動征鐸。客行悲故鄉。鷄聲茅店月。人跡板橋霜。糲葉落川路。枳花明驛牆。因思杜陵夢。鳧雁滿廻塘。

益語

耕堯田者有水慮。耕湯田者有旱憂。耕心田者無憂無慮。日日豐年。

揚州

隋唐以後之揚州。秦漢以前之邯鄲。皆大賈走集。笙歌粉

黛繁華之地。古語云。騎鶴上揚州。以騎鶴爲神仙事。而揚州又人間佳麗地也。前人詩云。一上維揚路。覺遙野塘烟。柳認隋朝美人南國生。猶盛芳草東風怨。未消唐張祜詩云。十里長街市井連。月明橋上有神仙。人生只合揚州死。禪智山光好墓田。王建詩云。夜市千燈照碧雲。高樓紅袖客紛紛。如今不是澄平日。猶有笙歌徹夜聞。徐凝詩云。天下三分明月夜。二分明月在揚州。杜牧寄揚州韓判官詩。二十四橋明月夜。玉人何處教吹簫。

趙夫人

紫桃軒雜綴廣州鈐幹俞似妻趙夫人筆墨灑落類薛稷常書似所作二絕於英州金山寺壁大徑四寸往來觀者以爲竒蹟其詩云。莫道鞞鷹飽。一呼將軍誰知滅。匈奴年來萬事灰。人意只有看山眼。不枯。轉食膠膠擾擾間。林泉高步未容攀。興來尚有平生屐。管領東南到處山。

瞿宗吉熨斗詩

有柄何曾挹酒漿。隨時用舍屬閨房。轉旋天上陽和氣。平帖人間錦繡香。翠袖捲紗移玉釧。金篝分火近牙床。衣成還寄征夫去。印顙何時肘後黃。

袁處士詩譏侂胄

病國妨賢主勢孤。生民無計樂樵蕪。偽名枉玷朱元晦。謀  
逆空污趙汝愚。羊質虎皮千載耻。民膏血脈一時枯。若知  
不可同安樂。早買扁舟客五湖。

定策微勞總是空。一時狐假虎威風。不知積下滔天罪。尚  
欲謀成蓋世功。披露奸心愚幼主。彰聞惡德辱先公。玉津  
園內行天討。怨血空流杜宇紅。

雪菴和尚

竇翰題詩雪菴壁云。當初何不解漁樵。卜得龍門避世高。

別有乾坤生晝夜。更無江海作波濤。持齋諒是慙周粟。說  
法惟聞誦楚騷。鐵石心腸誰識得。豈知太史筆如刀。

寒山寺

孫仲益過楓橋寺詩云。白首重來一夢中。青山不改舊時  
容。烏啼月落橋邊寺。欹枕猶聞半夜鐘。

虬仙咏櫓

寒崖雪壓松枝折。斑斑剝盡青虬血。運斤巧匠斲削成。劍  
脊半開魚尾裂。五湖仙子多奇志。欲駕扁舟探禹穴。碧雲  
不動曉山橫。數聲搖落江天月。

誰倩公輪巧作成。翩翩渾自逐風鷹。分開水面秋烟冷。砢破波心夜月明。船尾駕來三尺短。棹頭搖去五銖輕。不堪聲作伊州調。客裏聞來倍慘情。

邵康節

邵康節。會。有。四。不。赴。謂。官。府。公。會。不。相。識。會。大。衆。廣。會。勸。酒。醉。會。又。有。四。不。出。謂。大。寒。大。暑。大。風。大。雨。有。五。樂。謂。樂。生。中。國。樂。爲。男。子。樂。爲。士。人。樂。見。太。平。樂。聞。道。義。有。五。喜。謂。喜。見。善。人。喜。見。好。事。喜。見。美。物。喜。見。嘉。景。喜。見。大。禮。有。四。幸。謂。幸。長。年。爲。壽。域。幸。豐。年。爲。樂。國。幸。清。閒。爲。福。德。幸。安。康。爲。福。力。有。三。惑。謂。年。老。不。歇。爲。一。惑。安。而。不。樂。爲。二。惑。閒。而。不。清。爲。三。惑。

草木子弔伯顏

人。臣。位。極。更。封。王。欲。逞。聰。明。亂。舊。章。一。死。有。誰。爲。孝。子。九。泉。無。面。見。先。皇。輔。秦。應。已。如。商。鞅。辭。漢。終。難。及。子。房。虎。視。南。人。同。草。芥。天。教。遺。臭。在。南。荒。

乩贈密蘭沙

刀筆相從四十年。非非是是萬千千。一家富貴千家怨。半世功名百世愆。牙笏紫袍今已矣。芒鞋竹杖任悠然。有人



增册聖朝集卷之六  
問我蓬萊事。雲在青山水在天。

身心俱閒

羣談採餘身閒。可以養氣。心閒。可以養神。身心俱閒。與道合真。韓退之詩曰。斷送一生惟有酒。尋思百計不如閒。陶淵明日。形迹憑化往。靈府獨常閒。朱晦翁曰。深源定是閒中得妙用。原從樂處生。是閒一也。韓不如陶。陶不如朱。韓也。放陶也。達陶也。虛朱也。實羅念菴洪先曰。影滿棠梨日。正長筠簾風細。紫蘭香。午窓睡醒無他事。胎息閒中有秘方。

措置失宜

靖康中金人既出境。朝廷措置多不急之務。如復春秋科。太學生免解。改舒王從祀之類。時人語曰。不管肅王。却管舒王。不管燕山。却管聶山。不管山東。却管陳東。不管東京。却管蔡京。不管河北界。却管秀才解。道路之言。切中時病。

貧家婢

貧家一婢任驅馳。不說旁人怎得知。壁腳風多寒徹骨。厨頭柴濕淚拋珠。梳粧娘子嫌湯冷。上學書生罵飯遲。打掃堂前猶未了。房中又喚抱孩兒。

討中山狼露布

李笠翁漁戲代獬豸討中山狼露布。蓋聞毒莫如蛇。猶效  
 珠銜之報。暴寧如虎。曾酬蓑掩之仁。是類俱帶人心。伊誰  
 獨仍獸行。如中山狼。食恩人一事。其出山逢敵。知九死之  
 難逃。負箭投林。庶一生之幸免。踉蹌遇客。安知非收利漁  
 翁。悠忽行人。強使為放生居士。俛首酷隣。狐媚依人。絕類  
 貓柔。某斷不勝。慈翻怪殺。蛇太甚仁。能昏智。漫言養虎。何  
 妨拔矢。簇於肋邊。心傷奇痛。拭瘡痕於血底。手帶餘腥。營  
 兔窟以埋藏。解鶉衣而掩覆。迨至畋軍。大索幾為從井之

兩傷。猶賴詭語彌縫。始脫重圍。而再造此誠。起死而肉骨  
 所當。矢報於糜身。奈何創血未乾。飽德之盟。已背。酬私未  
 効。饑腸之餌。先充。剝忠信之窮。竒聞而未覩。羣德行之混  
 沌。怪也難經。食人間斷。不可食之人。自貽伊戚。犯罪中萬  
 無可赦之罪。國有常刑。豸賦性觸邪。備員治獄。歎孽畜頓  
 忘其義。憫善士幾喪其生。檄辭上告于獅王。定使山崩雷  
 吼。罪狀風聞於狗監。須教爪嘜牙吞。象應逞鼻捲之威。牛  
 亦鼓角挑之勇。無勞虎卜深山。奮玄豹之韜焉。用狐疑尚  
 方。請白猿之劍。糜鹿有敗羣之觸。兕犀懷後至之誅。并討

助虐之豺兼殪輔行之猥。剗心竿末負恩之戎。首伏辜食肉寢皮戴義之輿。情始洽憫入懷而活窮。憊還須引手於人不識字而觸忠良。無許冒名爲我。

討蜘蛛檄

張山來討蜘蛛檄云。羅箱吉網。奸人酷吏。聯翩里斷湯開。聖主賢臣。輝映守一見而必毀。龔舍感而思歸。苟無穴氏屯兵。曷使昆蟲咸若。蠢爾蜘蛛。機巧爲心。貪殘作性。覩其形狀。居然公子無腸。考厥簡編。僅見蠨蛸在戶。廓垂天之網。不須軋軋鳴機。布絡地之繩。亦且絲絲入扣。空中樓閣。

妄誇經緯之奇。花底樊籠。漫擬絲綸之妙。風雨飄搖而不畏罪。可彌天雷霆震撼而莫驚。奸能漏網。螢飛蝶舞。驅而納諸罟獲之中。蛾赴蠅投。羅而致之口牙之內。兇真似虎。偏能以逸待勞。巧不如蠶。轍欲倚強。欺弱深居織室。高坐繩床。千絲萬縷。無非戕害生靈。七縱八橫。總爲傷殘物命。機心叵測。細比牛毛。私惡雖彰。形同馬跡。一網打盡。罔憐翅。冒鬚纏幾度。絞成誰爲解粘。釋縛或投法網。欣從壁上而觀。偶觸情絲。密坐簷前以待。又况花間葉底。阻我徘徊。檻際欄前。妨予游衍。罍戶當門。如入無人之室。盈窓透屋。

幾同乏僕之家。甚至半絲入目。頓數左盲。數網懸空。疑同  
北阮。方憂旱魃。傍屋角以添絲。正苦淫霖。垂中雷而戲水。  
東西遙度。恍如羅計經天。左右頻穿。儼似婦姑織錦。苟不  
急爲除捕。安能久任猖狂。爰徵破竹之軍。並集揭竿之卒。  
殺一命以安萬命。螻動歡呼。去毒蟲以保佳蟲。蛸翹感戴。  
斷肱截足。難希三面齊開。剖腹抽腸。務使寸絲不呈。此檄。

鐵椎銘

宋翰林學士王德耀文炳。爲王千戶著撰鐵椎銘。朱亥貢  
金。張良受之。合以忠義。煅成此椎。銅山可破。椎不可缺。金

埒可碎。椎不可折。噫。亂臣滔滔。四海嗷嗷。長蛇其毒。封豕  
其饕。上帝憤之。以椎鼻著。椎不自奮。假手於汝。數未莫先。  
時來敢後。曾不一揮。元兇碎首。匪椎之重。唯義之勇。雖椎  
之功。唯人之忠。長僅數尺。重纔數觔。物小用大。策此奇勲。  
推在人亡。再用者誰。藏之武庫。永鎮姦回。

病有十可卻

靜觀四大。原從假合。

造物勞我以生。遇病稍閒。反生慶幸。

常將不如我者。巧自寬慰。

增册皇朝集卷之六  
宿業現前。不可逃避。歡喜領受。

室家和睦。無交謫之言。

煩惱現前。以死譬之。

衆生各病根。常自觀察克治。

與竹石魚鳥相親。翛然自得。畔援歆羨。一念不生。

飲食寧少無多。起居寧適無強。

覓高明親友。講說開懷。出世之語。

明太祖瀟湘賦詩

馬渡沙頭。苜蓿香。片雲片雨。渡瀟湘。東風吹醒英雄夢。不

是咸陽。是洛陽。

宋高宗好養鵜鴿。身自放飛。有士人題詩。

鵜鴿飛騰。遶帝都。朝收暮放。費工夫。何如養個南來雁。沙  
漠能傳二帝書。

神女贈詩

荆州記。官亭湖廟神甚靈。塗旅行過。無不祈

分風而帆。秦少游宿湖邊。惜竹軒。夢神女贈詩。

宿分帆浦。何似秋眠。惜竹軒。聞道文章妙。天下

可無言。

盜發穢塚

輟築錄秦檜墓在建康。歲久榛蕪。成化乙巳秋。被盜發。獲金銀器具鉅萬。盜被執。赴部鞠。末減其罪。惡檜也。司寇餘姚滑浩。大理姑蘓蔡西圃。昂作詩快之。曰。權姦攝陷孤忠。殘二帝。中原不復還。恨無英主。卽顯戮。至今遺臭。江臯間。當時狗豕多奇寶。玉篋金繩恣工巧。荒榛無主野人畊。狐兔爲羣石羊倒。一朝被發無全軀。若假盜手行天誅。於戲。浙上鄂王墓。松柏森森天壤俱。

煮粥

宦遊紀聞。解大紳官詞苑。食天厨。未至於屢空也。第水旱頻仍。歲遭荒歉。每甘貧而歎粥。一日有感咏詩云。水旱年來稻不收。至今煮粥未曾稠。人言筋插東西倒。我道匙挑前後流。捧出堂前風起浪。將來庭下月沉鉤。早間不用青銅照。眉目分明在裏頭。

米元章

米元章少時作邑。會歲太旱。鄰邑移文責之。謂吏驅蝗入境。米大書其公牒云。蝗虫本是天災。不由人力擠排。若是敝邑。遣去却煩貴縣發來。

反止酒調寄沁園春

尤悔菴先生有反止酒詞云。辛稼軒有止酒詞。然吾輩酒  
狂也。又當此時。此中雅宜此君。豈忍囚酒星於天嶽。焚醉  
日於秦坑哉。詞曰。陸醕前來。枚卜功臣。衆口交推。彼從事  
青州。清爲聖德。督郵鬲縣。濁亦賢才。堯舜千鐘。仲尼百斛。  
子路寧辭十榼。陪髡一石。更先生五斗。學士三杯。嘗聞  
上頓長齋。卽乘馬騎驢。事盡佳。况卓家少婦。爲君滌器。楊  
家妃子。爲我持壘。山帶蘭陵。水連桑落。麴部分茅。議允諧  
浴。汝醕伊俾。侯醴泉郡。曰。徃欽哉。

罪酒調同前

悔菴先生云。余旣反止酒。數與醕徃來。稱肝膈友。已而病  
憊。嘔出心血。醫者曰。是酒之罪也。天有酒星。故傾于西北。  
地有酒泉。故缺于東南。人有酒腸。故傷于中心。若婉彼藥  
狂。亦如劉將軍負鍾從之耳。予惕然。吾待醕不薄。奈何負  
我。請絕交。于是復名陸生。而告之曰。醕若毋聲。以酒爲名。  
乃罪之魁。笑持蟹螯者。甕中就縛。吹龍笛者。水底長埋。金  
盞纔擎。玉山便倒。玩我真如兒戲哉。腐腸藥甚良。醪可戀。  
心腹當災。今朝焚了糟臺。又何問蓮花白玉盃。倘君將

七州國朝集卷之六  
三  
伐狄。臣當執御。人能擊杜。我願持鎚。草奪黃封。驅除綠蟻。  
主爵壺觴。賜自裁醕。不道削汝。懿侯職以警將來。

梅聖俞訪晏同叔于汝陰將行同叔置酒穎上因言  
古人詩有全用平聲者未見仄字韻耳聖俞引舟賦  
五仄詩

月出斷岸口影照別舸背且獨與婦飲頗勝俗客對月漸  
上我席暝色亦稍退豈必在秉燭此景亦可愛

張叔仁贈謝疊山

打硬修行三十年如今證驗作儒仙人皆屈膝甘爲下公

獨高聲罵向前此去好憑三寸舌再來不值一文錢到頭  
畢竟全清節留取芳名萬古傳枋得會其意甚稱之至燕  
不食而死

徐貞一絕句

一劍凌空海色秋玉皇賜宴紫虛樓醉來跨鶴須彌頂指  
點培塿見十洲  
碧殿歌傳阿濫堆玉笙吹徹海桃開仰天一嘯江風發笑  
接白雲歸去來

朱克粹四皓奕碁圖



一。局。殘。碁。尚。未。終。白。頭。何。事。到。青。宮。不。應。千。里。冥。飛。翼。却。墮。留。侯。智。網。中。

元楊渙然管寧濯足圖

踏。遍。遼。東。未。是。癡。藜。床。欲。穴。只。心。知。好。留。一。掬。黃。泥。水。壩。却。曹。郎。受。禪。碑。

黟縣誌失收

按瀛奎律髓載陳伯和山居次韻一詩註云陳埧字伯和澗上丈人族子寓居桐廬嘗知黟縣予讀騰元秀詩盛稱伯和所作此所謂次韻隣舍老者殆亦如元秀詩耳其詩

曰。解。組。滄。溟。畔。携。家。紫。翠。間。地。臨。雙。港。勝。天。與。兩。年。閒。茅。屋。靜。聞。雨。竹。籬。疎。見。山。所。慚。隣。舍。老。句。險。不。容。攀。又。汪。氏。統。譜。載。汪。公。道。獻。嘗。爲。黟。縣。令。遂。家。新。安。資。治。通。鑑。載。黟。縣。令。杜。求。仁。與。徐。敬。業。同。起。兵。討。武。則。天。縣。誌。俱。失。收。

吳忠節公格言

四。方。衣。冠。之。禍。慘。不。可。言。雖。是。一。時。氣。數。亦。是。世。家。習。于。奢。淫。不。道。受。此。天。殃。若。積。善。之。家。亦。自。有。獲。全。者。不。可。不。早。夜。思。其。故。也。

于忠肅公憫農採桑婦二詩

陽曲縣治屏上刻于忠肅公憫農詩云。無雨農怨。嗟有雨。農辛苦。老夫出門荷犁鋤。村婦看家事。縫補可憐小女年。十餘赤脚蓬頭衣。藍縷提筐朝去暮。始歸青菜挑來半粘土。茅簷風急火難炊。旋蕪山柴帶根煮。夜歸夫婦聊充饑。食罷相看淚如雨。淚如雨將奈何。有口難論辛苦多。嗟爾縣當撫摩采桑婦。云低樹採桑易。高樹採桑難。日出採桑去。日暮採桑還。歸來喂葉上蠶薄。誰問花開與花落。二眠纔起近三眠。此際祇愁風雨惡。割鷄裂紙祀蠶神。蠶若成時忘苦辛。但願公家租賦給一絲。不望上儂身。丁男幸免。

官府責脂粉。何須事顏色。收蠶猶未是閒時。却與兒夫勤稼穡。

### 驛卒女

陸放翁之蜀宿驛中見題壁云。玉堦蟋蟀鬧清夜。金井梧桐辭故枝。一枕淒涼眠不得。呼燈起作感秋詩。詢之則驛卒女。陸遂納爲妾。半載竟因夫人妒。逐之女作辭云。只知眉上愁不識。愁來路窓外有芭蕉。陣陣黃昏雨。曉起理殘妝。整頓教愁去。不合畫春山。依舊留愁住。

### 治腋氣方

奇効良方治腋氣用蒸餅一枚劈作兩片糝密陀僧細末  
一錢許急挾在腋下略睡少時候冷棄之

雲亭山人秣陵秋

陳隋烟月恨茫茫井帶胭脂土帶香  
駘岩柳綿沾客鬢叮嚀鶯舌惱人腸  
中興朝市繁華續遺孽兒孫氣焰張  
只勸樓臺追後主不愁弓矢下殘唐  
蛾眉越女纔承選燕子吳歛早擅場  
力士僉名搜笛步龜年協律奉椒房  
西崑詞賦新温李烏巷冠裳舊謝王  
院院宮粧金翠鏡朝朝楚夢雨雲床  
五侯閭外空狼燧二水洲邊自雀舫  
指馬誰攻秦相

詐入林都畏阮生狂春燈已錯從頭認社黨  
重鈎無縫藏借手殺讐長樂老脅肩媚貴半閒堂  
龍鐘閣部啼梅嶺跋扈將軍譟武昌九曲河流晴喚渡  
千尋江岸夜移防瓊花劫到雕欄損玉樹歌終畫殿涼  
滄海迷家龍寂寞風塵失伴鳳傍徨  
青衣啣璧何年返碧血濺沙北地亡  
南內湯池仍蔓草東陵輦路又斜陽  
全開鎖鑰淮揚泗難整乾坤左史黃  
建帝飄零烈帝慘英宗困頓武宗荒  
那知還有福王一臨去秋波淚數行

商邱宋筆題史閣部

養士恩深三百年。國殤能得幾人賢。傷心閣部梅花嶺。夜夜冬青哭杜鵑。

自題學圃

一椽隙地幾株花。慚愧林泉處士家。為愛菜根風味好。不將粧點鬪繁華。

增刪堅瓠集卷之六終

